



Gia il 1999 è Bruno Cathomas stà nominà per il «Deutscher Filmpreis». Sa sch'i tanscha questa giada per il premi da film svizzer? FOTOS MAD

Gudogna in actur grischun il premi da film svizzer?

DA CLAUDIA CADRUVI / ANR

■ La schanza è gronda ch'i dettia la mesemna proxima in victur grischun. Bruno Cathomas e Beat Marti èn nominads sco megliers acturs per il premi da film svizzer. Otg premis da film vegnan surdads la mesemna en rama d'ina festa da gala a Soloturn. En la categoria dals megliers acturs èn numnads trais umens.

Is dus Grischuns Marti e Cathomas han sulet anc in concurrent en la categoria dals megliers acturs, numnadain Bruno Todeschini che deriva da la Romania.

Is trais acturs vegnan nominads en connex cun ina rolla da film.

Cathomas en «Chicken mexicaine»

Cathomas vegn nominà per la rolla da Roby Schmucker en «Chicken mexicaine»: Roby vegn gia per la quarta giada en praschun. L'emprim resta el quiet e vul sclerir la situaziun. Ma el sto constatar ch'i trai uss in vent pli criv en praschun. Il directur da praschun cusseglia da lavar bain e da far pulit. Roby quinta uschia da prest puspè bandunar la praschun. Ma lura decida la dretgira ch'el sto «seser» dudesch onns. Roby emprova da rumper or, vegn traplà, e tut vegn anc pir.

El siemia da ses temp en l'Africa ch'el ha lavurà sco montader e schizunt gi famiglia. Questa regurdanza fa ch'el ha be pli in patratg: Furt ord questa praschun e puspè vesair sia figlia. Cun in auter praschunier fa Roby ina scoperta nunditga en il tschaler-praschun. Uss pon els metter sut squitsch il directur. Igl è la clav per la libertad da Roby Schmucker.

Il public po vuschar en l'internet

Scenas ord il film «Chicken mexicaine» –

17 films ed 11 acturs èn nominads

La surdada dals premis da film ha lieu la mesemna a Soloturn durant ils Dis da film. Ina cumisiun ha nominà 17 films ed 11 acturs. Premiadas vegnan set categorias: film, film documentar, film curt, il meglier scenari, la meglier actura, il meglier actur, il meglier actur giuven. Plinavant po la giuria conceder in «premi spezial da la giuria».

L'uffizi da cultura federal metta a disposiziun 610 000 francs per remunerar ils nominads, per la festividat e per l'organisaziun.

Bruno Cathomas e Beat Marti giogan omadus en «Canzun alpina»

Omadus giugadurs nominads giogan en il film «Canzun alpina». Las registraziuns per quest film èn vegnidas fatgas l'onn passà en Surselva. Quest onn vegn il film emess a la Televisiun Svizra. Igl è ina coproducziun cun la Televisiun Rumantscha. Sco l'anr ha intervegnì da la Televisiun Svizra vegn il film eventualmain schizunt mussà l'emprim en ils kinos. Ma las tractativas na sajan anc betg concludidas.

En «Canzun alpina» gioga Beat Marti la rolla da Clau Donatsch e Bruno Cathomas è da vesair sco Gieri Caduff. Il film raquinta l'istorgia da la scolasta Anna che spetga in pop da l'installatur Clau. Ma il pop che nescha ha pel stgira e po nunpussaivel esser l'uffant da Clau. Quai chaschuna embrugl en il pitschen vitg grischun.

Bruno Cathomas è naschì ils 11 d'october 1965 ed è creschì si a Laax. Suenter scola ha el fatg in emprendis-

sadi sco serrer e lura cumenzà a studegiar a l'Academia d'actors a Turitg. Davent dal 1992 ha Cathomas giugà sin differentas tribunas a Berlina ed a Basilea. El ha già rollas en numerus films da kino e da televisiun ed ha per part era fatg reschia.

Il 1999 è Cathomas stà nominà per il «Deutscher Filmpreis» sco actur d'in martgadant da muvel en il film «Viehjud Levi».

Beat Marti è naschì ils 9 da fanadur 1972 a Cuira. Suenter la scola ha Marti absolvì la scolaziun d'actur a la Scol'auta per teater a Turitg. Entras la seria «Fascht e Familie», en la quala el ha giugà la rolla da Bruno Caduff, è el daventà enconuscent en Svizra. Ma er ils aspecturs da la televisiun tudestga enconuschan il giugadur. Dapi il 1995 viva Marti a Berlina. Quest onn vegn Marti ad esser da vesair en «Heldin der Lüfte» cun Melanie Winiger.

ma era da tuts auters films nominads – pon ins guardar sin la pagina d'internet www.swissfilms.ch. Sin questa pagina ston ins cliccar sin il cristall en la trav, suenter sin la lingua giavischada, lura sin la rubrica – p. ex. «Bester Darsteller» – e lura pon ins tscherner il giugadur giavischà.

Sco visitader en l'internet han ins la pussaivladad da dar giu il parairi e da vuschar per l'actur u per il film che plascha il meglier.

La reschia tar «Chicken mexicaine» ha Armin Biebler fatg che ha era scrit il scenari ensemen cun Georges Janett. Filmà han ins en la praschun da Basilea ed a Marocco. La musica è da Toni Vescoli e da Gimma.

Marti en «I was a swiss banker»

Beat Marti vegn nominà per sia rolla sco Roger Caviezel en il film «I was a swiss banker». Roger è in giuven e smart emploià da banca ed è disà da purtar daners nairs per sia clientella tudestga sur ils cunfins en Svizra. Per il solit fa el quai sur il lai da Constanza. Ma in di vegn el en controlla ed emprova da mitschar cun in sigl en l'aua. Cun quest sigl na sa tschenta el betg sulet en l'aua, mabain gist en in mund da nimfas, strias e dialas. Sco en ina paraula sto Roger uss sa cumprovar per puspè pudair mitschar e per chattar sia fortuna.

En quest film na vai pia betg per las fatschentas da las bancas svizas. Igl è pli-

tost ina paraula – mistica, surreala. En la versiun originala dal film vegnan pledadas pliras linguas: englais, tudestg svizzer, rumantsch, svedais, danais e terc.

Era da «I was a swiss banker» pon ins guardar intginas scenas en l'internet sut l'adressa www.swissfilms.ch. Thomas Imbach ha fatg la reschia dal film ed era scrit il scenari. La giugadura ladina Angelica Biert gioga en quest film la nona.

<http://www.biehler-film.org/>
<http://www.iwasaswissbanker.ch/>



Beat Marti è nominà per sia rolla en «I was a swiss banker». El gioga er ensemen cun Melanie Winiger en «Heldin der Lüfte».

Renzo e sia Ladina savessen star cheu pli spert che tertgau cun giu las caultschas.

Curdaus el latsch ch'el haveva tendiu pil plevon da Sedrun ei il schurnalist dalla Televisiun Rumantscha, Eligi Derungs. El ha schizun fatg il plascher da taxar ina studenta sco fumitgasa da sur Nay. Buca mo ella politica, mobein era el schurnalistem cumprova quei cass inagada dapli ch'il pievel ha buc adina raschun.

Cun paucas e trumbettas ein ils deputai i a Cuera per demonstrar encunter la serrada dalla Scola da tgira a Glion. Mellis han suttascrit ina protesta. Cun rimnar las suttascripziuns per in'iniziativa va ei ussa ualti pei ziep. Probabel finescha la causa aschia ch'ils politichers sursilvans han buca mo munchentau da batter ad uras per la scola, mobein vegnan a far tutta honur a lur num cun munchentar era d'inoltrar l'iniziativa. Ei va la fin finala aunc in'uriala tochen las proximas elecziuns aschia che la sien dils gests sa cuntinuar e suenter drova ei tuttina mo 80 deputai a Cuera.

Mustér Sedrun ei puspei alla tscherca d'in niev directur turistic. Sch'ei va sco cun la tscherna dil president communal vegn ei a cuzzar in brav temps e dar entgins incaps e Dumeni Columberg sa gest sorprendere la proxima firma maroda suenter haver remess en in onn il presidi communal.

Sco ei vesa ora ha Barbara Janom-Steiner negina concorrenza ed aschia via libra e directa entochen en Casa grischina. Fertion che Eveline Widmer-Schlumpf ha saviu far a Berna in steh atras il quen a Christoph Blocher per alla fin dall'emprema perioda d'uffeci vesa ei ora sco sch'ils Romontschs ed ils Talians havessen la caschun per en quater onn da far in steh era atras il quen da Barbara Janom-Steiner. Ella che ha midau cassacca davart la lescha da lungatg ei numnadamein strusch eligibla per quellas duas minoritads.